

LATIVM

MAGNE Regum! Summe PRINCEPS!

Solus es virtute princeps:

Summus artibusque princeps:

Es Sagatus ille magnus:

Es Togatus ille magnus!

Phoebe FRIDERICIANAE

Iam serenum diue vultum

In Tui reflecte seruum!

Mille fundo FRIDERICO, mille

plausus MAXIMO.

Lux amoena! lux beata!

Absque te non est serena

Vlla lux totius anni,

Vlla lux solemnis anni

Edidisti rara partum,

Qui beat quemcunque partum:

Lux benigna, lux venusta

Ter quater sacrata salue!

Mille fundo FRIDERICO, mille

plausus MAXIMO.

Sacra lux solemnis esto

Prussiam cuncto colenti,

Et Silesiam colenti

Es dies festius omni,

Et palatiis potentum,

Et casarum frondearum

Pauperi festius omni,

Laude maior orbis omni,

Mille fundo FRIDERICO, mille

plausus MAXIMO.

Ecce iam rubescit aether

Gratulatur ipse festum,

Siderum chorus perennis

Mille vibrat mille vota,

Sic et Sprea, sic Viadrus

Murmurat in aequor altum
Dulce carmen, luce dignum,
Astra plaudunt, arua plaudunt,
Mille fundunt FRIDERICO, mille
plausus MAXIMO.

En ego balbutioque
Mille fundens mille vota,
Latii qui rigor vndis
FRIDERICO dico Paeon.
Io bis laetus dico Paeon,
Viue, viue sempiternus
Fortis Heros, Rex, Apollo
Nesciunt Dei sepulcrum
Mille fundo FRIDERICO, mille
plausus MAXIMO.

Iam per castra, FRIDERICE!
Iam poli viuis per orbis
Ambulans aeternus hospes
Iamque Bellona, Minerua
Ac Irene, mortis expers,
Viue nobis mortis expers,
O beatos nosmet omnes
FRIDERICO Patre, Rege!
Mille fundo FRIDERICO, mille
plausus MAXIMO.

Viue diuorum beatus
Omnibus bonis beatus!
Posteris per secla vates!
Sique rixas gignat orcus,
Sis triumphans sempiternus!
Imperator sempiternus,
Optimusque FRIDERICVS,
Maximusque FRIDERICVS!
Mille fundo FRIDERICO, mille
plausus MAXIMO.